

Fijian - Yalewa Vola Tabu - Wives Scriptures

Efeso 5:22-24 Oi kemudou na yalewa vakawati, dou soli kemudou taucoko vua na watimudou, me vaka vua na Turaga. 23 Ni tagane sa ulu ni watina yalewa, me vakataki Karisito sa ulu ni soqosoqo lotu; o Koya talega sa bula kina na yago taucoko. 24 Me vaka na nona soli koya taucoko nai soqosoqo lotu vei Karisito, me vaka talega kina o ira na yalewa vakawati, vei ira na watidra ena ka kecega.

Efeso 5:31,33 "Ena vuku ni ka oqo, na tagane ena biuta kina na tamana kei na tinana, ka kabita na watina, e rau sa na yaco me duabau ga." 33 Io vei kemudou na tagane, dou lomani ira na watimudou, me vaka ga na nomu lomana na yagomu, vei kemudou na yalewa vakawati, dou dau vakarokorokotaka tiko na watimudou.

1 Koronica 7:3 Me cakava kina na ka dodonu me vaka nai vakarau dina ni veiwatini na tagane vua na watina, ka vaka talega kina na yalewa vua na watina.

1 Koronica 7:34 E tiko e dua na duidui vua na yalewa sa vakawati kei na dua se goneyalewa. O koya e sega ni vakawati e dau kauwaitaka vakalevu na cakacaka ni turaga, me rawa kina ni savasava tu na yagona kei na yalona. Ia o koya sa vakawati e rui kauwai tu ga vakalevu ena vei ogaoga vakavuravura – ena rawa vakacava vua me vakalomavinakataka na watina tagane.

Kolosa 3:18 Oi kemudou na yalewa vakawati, dou dau vakarorogo vua na watimudou, ni sa vinakata na Turaga.

1 Timoci 2:11-15 Me dau vulica na yalewa me dau vakamalumalumutaki koya, ka me dau sogota tiko na gusuna ena levu na gauna. 12 Au sega ni vakatara e dua na yalewa me veivakavulici se me liutaka na tagane, ia me dabe ka galu tiko. 13 Ni o Atama e buli e liu, qai buli e muri o Ivi. 14 O Atama e sega ni rawai, na yalewa ga e a rawai ka vakavuna me rau talaidredre. 15 Ena vuetti cake tale kevaka me na vakaluveni ka bula taka tiko na vakabauta, na loloma, na yalosavasava kei na yalomatua.

Vakatekivu 3:16 Na Kalou o Jiova sa tukuna talega vua na yalewa; "Au na vakalevutaka vei iko na rarawa ena gauna ni nomu kune kune; ena mosi levu, o na vakasucuma mai kina na gone; na nomu gagadre sa na tiko ga vua na watimu, ka ena vakatulewa tiko ga vei iko o

koya."

1 Pita 3:1,2 Oi kemudou na yalewa dou vakamalumalumutaki kemudou vua na watimudou, ka ni so era sega ni lotu, na nodra na lotu e sega ni vinakati kina na nomu vos, ia na nomu i valavala ga. 2 Era na raica tiko nomudou i valavala kei na nomudou yalo lokomi.

Taitusi 2:1-5 *la o iko, mo tukuna tiko na veika sa kilikili kei na i vakavuvuli dina: 2 Me ra yalomamakutu o ira na qase, me ra yaloqaseqase, me ra dauyalomatua, me vinaka na nodra vakabauta, me ra daulomasoli, me ra dauvosota vakadede; 3 O ira talega na yalewa qase, me ra dau ia na i valavala sa kilikili kei ira e ra sa yalosavasava, me ra kakua ni dauveibeitaki vakailasu, me ra kakua ni daugunu yaqona me ra vakatavulica na ka vinaka – 4 Me ra tuberi ira na yalewa gone me ra lomani ira na watidra, ka me ra lomani ira talega na luvedra. 5 Me ra lomavuku, me ra lomasavasava, me ra dautiko vakadua mai nodratou, me ra dauyalovinaka, me ra dauvakamalumalumutaki ira vei ira na watidra me ra dautalairawarawa talega, me kakua kina ni vosavakacacataki na Vosa ni Kalou.*

Vakaibalebale 12:4 *Na yalewa vinaka, sai sala talei i watina, Na yalewa sa kauta mai na madua, sa vaka nai vakavuca ni sui vei watina.*

Vakaibalebale 14:1 *Na yalewa yalomatua sa tara cake na nona vale, Na yalewa yallowai sa basuka sobu ena ligana.*

Vakaibalebale 19:13 *Na gone lialia sa i vakavuca vei tamana, Na yalewa dauveiba sa vakatuturutaka na bula.*

Vakaibalebale 21:9,19 *Sa vinaka me da vakavale ena tutu ni vale e cake, mai na noda vale vata kei na yalewa dauveivala. 19 Sa vinaka mo tiko mai na vanua dravuisiga mai na tiko vata na yalewa dauveivala ka daucudrucudru.*

Vakaibalebale 25:24 *Sa vinaka na tiko ena tutu ni vale e cake ka ca na tiko vata na yalewa dauveivala.*

Vakaibalebale 27:15,16 *Ni sa lako tiko ga na turu ena gauna ni uca, sa tautauvata kei na yalewa sa dauveivala; 16 O koya sa via tarovi koya, sa tarova tiko na cagi, ka sa via toboka na waiwai e ligana.*

Vakaibalebale 31:10-31 *O cei sa rawa ni kunea na yalewa vinaka sara? Me sa i sau levu o koya ka lailai na rupi. 11 Sa dei na veivakabauti nei watina vua; Ka sa tubu tikoga na ka sa tu vua. 12 Sa caka vinaka vei watina ena veisiga kecega sa bula kina. 13 Sa vakasaqara na vuti ni sipi kei nai sulu, Sa marautaka na cakacaka ena ligana. 14 Sa*

vaka na waqa ni voli ciri, ni sa kauta mai vakayawa na kena kakana.
15 Sa dau yadra ni se bogibogi me vakarautaka na kedratou
vakavuvale, kei na kena i votavota na goneyalewa dauveiqravi. 16
Ni sa raica e dua na qele ni sa volitaki tu, sa volia mai; na nona tubu
sa tea kina e dua na were ni vaini. 17 Sa vauca na tolona ena
kaukauwa, ka sa vakakaukauwataka talega na ligana. 18 Sa kila o
koya ni sa vinaka na nona veivoli, ka sa sega ni boko na nona cina
ena bogi. 19 Sa dodoka vakamatau na ligana ena vuku ni kau ni
culacula, kei na ligana sa taura na tutu ni i sulu. 20 Sa dodoka na
ligana vei ira na dravudravua, Io, sa yaco sara na ligana vei ira na
vakaloloma. 21 Sa sega ni rerevaka na vulai liliwa ena vuku ni nona
vuvale, ni ra sa vakaisulu ni katakata. 22 Sa cula vakamatau na
nona i sulu. Na nona i sulu lineni rairai vinaka qai roka vinaka. 23 Sa
kilai vinaka o watina ni curu mai ena matamata ni koro, ni sa mai
tiko vata kei ira na turaga ni vanua. 24 Sa cula ka talia vakavinaka
na i sulu ka sa dauvolitaka, sa vakarautaka vinaka nai ubi ni sulu qai
volitaka vei ira na dauveivoli. 25 Na veivakaukauwataki kei na
veidokai sa nona i sulu; E na marautaka na nona veisiga ni mataka.
26 Sa dauvosa vakayalomatua, ena yamena sa tu kina na lewa ni
yalovinaka. 27 Sa vakaraica vinaka nai valavala ni nona loma ni
vale, Ka sa sega ni kania na kakana ni vakawelewele. 28 Era na
yadra mai na luvena ka kacivi koya ena veivakalouvinakataki; Na
watina talega ena vakaqoroqoroi koya: 29 "Sa levu na yalewa era sa
caka vinaka la, o iko sa uasivi sara." 30 Nai ukuuku sa veivakaisini,
na rairai vinaka sa sega ni yaga, Na yalewa sa rerevaki Jiova sa
vakacaucautaki. 31 Solia vua na vua ni nona cakacaka Na nona
cakacaka ga, ena vakaqoroqoroi koya ena matamata ni koro.

Pastor T. John Franklin
Church of Salvation, Healing, and Deliverance
COS-HAD.org